



叢碧山房詩初集卷七

翰苑稿

翰苑稿

任丘龐

壇雪峴著

元日 賜百官晏恭紀十二韻

和風宣令節旭日麗青陽一統與王會千秋聖
曆光聲靈開絕域玉帛集窮荒雉尾齊宮扇金爐
散 御香星辰環 寶座黼黻正垂裳虎拜千官
肅嵩呼萬歲長 皇恩偏有慶元日共傳觴天外
雲璈接筵前翠幙張酒連柏葉氣肴帶五辛香割
肉容方朔懷珍許陸郎盈庭歌醉飽一德洽明良
聖澤殊無極還將晏柏梁

長安元夕

翰苑稿卷七

不禁金吾夜閑遊愜眾心花燈九市亂火樹萬枝
侵醉客仍呼酒佳人有墮簪侯家競高會歌舞興
方深

又

帝里元宵勝千門列炬開連錢寶馬過卷幔鈿車
來雜戲分塲出笙歌夾道催五更天欲曙高興未
應回

送格大中丞赴鎮

股肱重郡北河東帝簡名賢出禁中一水光搖

騶騎動千山晴閃大旗紅 賜衣內殿傳 天語
露冕前邨見土風莫倚甘棠思召伯只應遺愛與

公同

又

中朝材望如公少近領名藩 主眷優恒嶽北來
瞻黛色盧溝南下湧長流漢京形勢尊三輔陶侃
威權著八州上治無勞惟鎮靜時時綏帶一登樓

又

襜帷西出 禁城隈騎吹喧喧交道催幕府威權
須重望 王圻鎖鑰仗雄材偏裨有戒轅門靜曹

翰苑稿卷七

二

揅無私鈴閣開聞說中丞還問俗桑麻千里喜春

回

送友之廣陵

東郊花柳合曉日亂啼鶯正是芳菲節難爲離別
情一盃燕市酒千里廣陵城傍晚愁人處烟雲故
故生

送于子先提學粵東

越使歸朝後重爲嶺外行驛船通漢口鏡吹下羊
城雨過灘聲急潮回島勢生虛懷勤採訪或有莫

宣卿

丁韜汝寄示詩集讀之殷然有夙昔之感賦
此奉懷

承君寄我滄霞艸開卷悽然感贈詩只有長愁同
杜甫何時好士見丁儀十年瀛海悲前會千里江
州繫遠思吟罷幾回重悵望晚風垂柳一參差

丁雁水觀察手書問訊賦此却寄

廣寧門外分携處回首年光又一週
兩水合流歸贛口亂山擁翠出虔州
官衙吏散聞高咏驛路書來感舊遊
剝有離懷消不得暮雲江樹遠生愁

送張秀才歸揚州

翰花稿卷七

三

扶病朝初出鶯花郊外多
送君從此去春水綠如何
歸豪惟書卷還山長
薜蘿懷人應有賦莫擬四愁歌

又

又

送別今何日春風二月天
青帘傷舍酒白板下江
船芳草懷前路長歌惜
此筵斜陽分手去再會定
何年

送宮詹崔夏章先生奉命祭長白山

戡定功成虔祭告名賢
奉使不辭難薊門春隔
笛都遠大漠風高出塞
寒江合衆流趨海會山
連萬

登見龍蟠千秋 王業鍾祥地典禮還同五嶽看
春日招同李渭清陸義山崔宗五遊桃園卽

事

兩年此地看花開今年又復看花來春光轉盼成
今昔一歲看花能幾回陸君好事勇過我見說看
花喜無那李君崔君興俱豪攜尊同向花間坐花
間小屋無門扉千樹萬樹周相圍老鳩屋角喚春
雨榆莢柳葉烟霏微天壇傍臨園左側碧瓦青松
多氣色鐘聲斷續遠更聞游絲宛轉晴無力西山
壓城半壁青晚風吹樹花冥冥坐中盡是同心友
痛飲何論醉與醒人生樂事隨所取富貴於我復
何有莫感年華動慨慷且向花前進一斗

寄張淡明方伯

名藩新領南昌郡千里春風彩鷁開四會山川歸
重地一方財賦仗通材騎過盧阜峰峰轉舟下潯
陽岍岍回猶有滕王遺閣在題詩誰繼子安才

送江眉瞻守柳州

一麾從此去萬里送行舟舊蹟看銅柱新符領象
州醺人柳子酒禦膳木綿裘賴說山川好登臨散

客愁

出守三春暮離筵柳色侵龍城何處是江水向君
溪歲課輸橦布山蠻採鬱金宗元祠尚在瞻拜一
長吟

送錢官聲太史假歸
綠槐夾巷早蟬鳴攜手河梁愴故情垂柳青帘燕
帚酒輕帆細雨闔閭城乍辭三帝里風煙隔久別
鄉山道路生他日題詩何處好胥臺南畔月華明

賦又

相送臨歧意轉難三年乞米共長安賒來美酒還

翰苑稿卷七

五

同酌借得奇書許共看未及秋風先憶膾那因多
病強辭官潞河南接吳江遠一片征蓬下急灘

嶽山雷琴篇爲張工部晴峰賦

水絃條條裏錦綺梧桐漆老三尺水牛毛細縷斷
成文題識依稀辨雷氏我聞蜀人有雷威取材面
勢窮精微製成每爲知音賞就中第一傳金徽又
聞桂府王推官千金買付姜宣彈今之此琴無乃
是明徽連絡晨星寒玉君好事姜生手張侯兼之
世未有傾囊購取歸山房焚香坐對如良友余也
嘗琴入骨髓不達琴音達琴理連朝病執苦炎蒸

神氣昏昏半欲死安得張侯攜琴來萬壑松聲座
中起

寶坻杜相國

溫旨予告賦詩恭送

撰

朝廷雖備官調燮仰三公運會生名世歟起潞河
東恭逢我聖君魚水相合同識以沉靜廣道由
無欲充肅穆秉國鈞師濟見和衷指揮靖三孽落
落如發蒙手挽江河流力追皇古風成功寧久居
况乃黃髮翁章疏再三上乞此衰暮躬聖心眷
往勞溫旨示優崇命下勅有司前行具囊弓
盛世明良會禮遇何其隆豈也南鄙士幸遊門牆
中魯鈍寡聞道四十心猶童庶幾就釣陶鑄顏託
化工一朝東山去冥冥悵飛鴻永言思山斗景仰
嘆何從

哭陳其年檢討

陰雲慘白日涼風吹戶牖晨起懷感傷驚悼矣良
友之子志業勤讀書窮二酉賦詩見性情檄文工
儷偶當今著作林蒼然推老手况乃道德身百行
矢無苟一命初見榮中年尚無後斯人有斯疾天
道於何有

昔余與夫子獻賦謁承明承恩官同日侍從直西
清退朝並馬出尋幽攜手行往還歷四載相親如
弟兄我陋慚吾丘君才似長卿幸託無諱朝歌咏
紀太平文章報 聖主彪炳追西京胡爲遘厲疾
溘焉殞其生九原寧可作崩迫傷吾情

又

陳生古志士堅忍能達道四載官清華半菽常不
飽瀟灑戶牖間高文發坦抱能令忌者心見之亦
稱好生平念若人不應常枯槁五十未爲衰一死
何艸草

又

翰苑稿卷七

七

天地若蘧廬人生皆偶寄壽夭古難齊何足爲君
異悲君數尤奇少年不得志將老博一官京華長
憔悴生死惟一身棺殮誰爲備感深馮夫子捐金
見高誼親戚隔遠方僮僕違靈次傷心非一端欲
哭反無淚

送汪舟次太史奉 命冊封琉球世子

我 皇撫萬邦 聖德光日月四征討不庭聲教
訖窮髮此國久奉化修貢歲罔缺 皇心嘉誠順
冊典黃海窟汪子華國材意氣尤勃發 簡命旣

有屬王臣詎告勞念子存忠信言笑輕洪濤宵程
視斗柄遠島列秋毫魚鬣蔽日黑陰火燒波紫靈
怪非一端恢詭超常理渾茫一氣開天地失源委
人生矜遊覽此外無巨觀丈夫志異域行矣非所
難往來改年歲中途變燠寒回首念同人風煙浩
漫漫贈子以不辱兼之勉加餐

哭耿又樸先生

十載淹清署青春隔夜臺才名誰可共時命總堪
哀長路銘旌去斜陽送客回交情生死盡寂寂寸
心摧

龍鬚行

翰苑稿卷七
有序

八

李子涓清家居時龍鬚山澤間脫其類鄉人
拾歸湔取其鬚以遺李子李子異而寶之頃
于京邸言及贈余二莖索余作詩遂成長句

李子入戶呼髯奴錦匣捧出蒼龍鬚自言昔者逢
龍鬚下頰迸落空山隅莖莖戟列如蝟刺徑尺玉
錐失犀利血腥滌盡光芒生把玩時時賞奇異書
堂半壓楓林青由來神物含精靈每當天陰雷雨
夕蜿蜒欲動雲冥冥魚蝦有鬚非其伍海舶成束
出洋賈巨截爲鞭細作簾常材小用何足數君不

見寶劍躍入延津湄又不見竹杖騰踴葛仙陂異
物有時幻鱗角一氣變化焉能知感君持贈喜且
懼緹巾什襲堅收護只防忽作雙龍飛咫尺山窓
失煙霧

徐步

徐步空階內高林見鳥飛荒年增米價薄宦隔庭
闈欲忝憐芳艸長愁倚落暉君恩猶未報何得
遽言歸

奉和益都馮相國萬柳堂留別原韻

繞檻秋聲起綠楊十年憂國髩如霜重開泰運還

翰苑稿卷七

九

當世却引餘年返故鄉庭樹驚看人共老君恩

回首意偏長此行更喜多殊數宸翰輝煌有贈

草時御製五言
律二首送別

又

萬壑煙生柳色閒離情如艸密難刪秋風無那還
傷別尊酒當前且放顏戀闕時時回白首高車
歷歷繞青山相思好憶題詩處露冷蒹葭水一灣

送馮相國歸益都

引退功成日君恩幸不違青山鄉路近白髮老臣
歸出餞傾朝士行裝檢賜衣賢哉疏太傅千載

共光輝

又

祖席光衢巷偏隣相國賢許身惟直道多病乞餘
年前路回霜鬢離心起暮蟬舊時東閣士把袂共

潛然

又

久宦歸思切秋聲促駕還人煙莊嶽里樹色穆陵
關病較他時減身從此日閒風流懷謝傳絲竹在
東山

又

翰苑稿卷七

十

歸路歲時晚園林白露凝賜衣趨故第餘俸施隣
僧老樹秋堪倚鄉山近可登十年居政府辛苦事
晨興

送翁君赴開封任

淡秋還送別風土憶中州樹果經霜變長河繞郭
流郡民趨暴憤健卒裹青鞵坐見村郊靜行人有
夜謳

送宮詹王

吳廬

先生假歸黃州

夫子三楚秀文雅振風騷策名及清時正色立當
朝簡命託保儲秋漢揚高標才爲時世資用以

達識超殷然感尊鱸促駕歸山椒送者咸嘆息落
木聲蕭蕭于秋呼廣受賢風庶可招

又

曩者甲寅歲秉衡出京師虛心鑑衆材獎進如恐
遺瑩也愚魯士蓬茅辱見知數載依清華深情見
解推謂得永附託綢繆相追隨朝來命舟楫言歸
楚水涓道遠山川長後會安可知願因雙黃鶴千
里寄相思

又

湘水何沉沉荆山復磊磊故園戎馬後烽烟遺殘

翰苑稿卷七

十一

壘艸堂幸無恙松菊環相對遠客喜初歸耆舊幾
人在一卷當北牕遐心寄千載秋風澗芷清餘芳
猶堪采

又

秋士常苦悲况感別離情強持一盃酒日暮聊同
傾寒林葉撼涼蟬寂無聲嚴駕越山川夢路誰
能明夫子經濟材盈庭夙所稱主上重儒術謀
國藉老成勿耽丘壑趣行矣念蒼生

張晴峰招同張子大李渭清聽楊翁彈琴

秋空淡白日落葉颯寒林張侯有佳興置酒相招

尋中座來幽客能爲太古音
初彈水仙操再彈蒼龍吟
恬淡移我情寂歷脫塵俗
憶昔壬子歲風塵走碌碌
相逢寓上人曾爲彈此曲
高晏集良友頗不傷拘促
回首踰十載各在一天涯
長安非我鄉聚散誰能期
知已不易得况對菊花枝
努力盡清懽餘音焉可追

九日同涓清過萬柳堂得庚字

孤樹易搖落遊子多羈情
京華淹薄宦節候悵屢
更重陽風日佳結伴聊閒行
名園延野色地偏心跡清
峰巒勢回合澗水抱空明
秋光在高榭蕭蕭暮作聲
芳艸亦已歇籬菊吐寒英
風霜變特物造化勞我生
百年能幾何苦爲俗務櫻
放懷及良時願與知已并
茱萸斯在眼濁酒聊同傾

送舍弟璽歸里

半載京華住論文念汝才正當
飛雪候相送艸堂回翠色交
寒竹花香綻蚤梅天寒朝日短
一卷夜須開

又

夜臥何曾寐關心問曉寒歲時
貧病苦兄弟別離難雨雪悲途遠
衣裳念汝單無金寄歸囊分手一

長莫

又

堂前拜別後五載滯金臺淚爲思鄉盡心因送弟
推玄陰逼歲暮白髮畏春催子舍饒歡慶平安數
寄來

渭清席上贈張杞園

瑯琊李子與余善比隣日日常相見雄談滾滾座
生風細論人物誇鄉彥十回九說杞園才太山百
丈爭崔嵬使我神往陽丘道束裝不到黃金臺十
月渾河凍欲裂訪戴忽踏燕山雪趨陪不待書簡

翰苑稿卷七

十三

招疾走寧防屐齒折風流文雅何翩翩博物驚逢
張茂先當今皇帝戊午歲詔下遍採山林賢

維時杞園方讀禮徵書十道來鄉里麻衣不忍脫
朝天坐令珥筆失奇士人生得失何重嗟一尊幸
共開天涯丈夫意氣感知已眼前况有寒菊花老
槐叫風烏啞啞東方漸高明月下餘興未盡且歸
來明日相約過茅舍

奉答施愚山有贈

遠訪城西舍高軒憶昔時淹留移白日相贈有新
詩孝友慚前哲漁樵負夙期論文肯重過尊酒尚

堪持

題鄭季寬小像

百尺梧桐月影疎
焚香掃石坐來初
小山一曲聞招隱
湖海元龍氣已除
坐聽鳴琴夜色新
青山明月照閒身
他年會著荷衣去
谷口還尋鄭子真

送張晴峰提學浙中

張公性沉默
胸懷照秋水
一官羈鄭署
紛絲見條理
有時抱孤琴
清音發妙指
自余挂通籍
風雨依之子
豈伊桑梓情
深心託知己
一朝奉簡命
嚴駕涉江汜
會合安可常
各言保素履
日暮上河干
執手情難已
思子若黃鵠
一舉數千里

翰苑稿卷七

十四

又

遠道從此別
將發惜汝賢
會計獨賢勞
辛苦踰歲年
以茲邀功敘
豈曰非通權
爲心恥苟得
執義何其堅
主上幸察識
何必在超遷
遇合信所遭
此行實偶然
春風秀蘭芷
采采大江邊

又

越中饒名勝
不獨山陰道
輪軒逾周行
所歷堪幽

討努力採秋實春華寧足寶世路多翻覆男兒重
懷抱依依岐路側去住憐風好歲晏此何時取別
傷草草

又

歲事行將盡遲暮傷我情古來賢達人世往留高
名及時立德業踟躕畏友生同心忽異地得失誰
爲明臨岐一尊酒相對不能傾簡書旣有屬
王事亦有程撚指三年間待子返京城川路積風
烟悠悠感旆旌行矣忽復嘆吾道在堅貞

翰苑稿卷七

五

西草草

又

昔此亦君如視關志其紛紛風波遊曼也何報取微
其後以科小實春華寧足寶世路多翻覆男兒重

叢碧山房詩初集卷八

翰苑稿

任丘龐 增雪岬著

送袁杜少編修省親歸東明

追隨幾載念同僚
帝里風光二月饒
攜酒每尋青石寺
穿花共惹紫宸朝
趨庭計日依萱艸
送客逢春憎柳條
我亦懷歸歸未得
謾勞詩句咏招

又

纓纓垂柳碧初勻
千里歸途景色新
岼口水消漳水綠
城邊草長漆園春
板輿已遂潘生願
沽酒還過孟氏隣
回首應隣同舍客
空騎羸馬傷風塵

翰苑稿卷八

寓中置酒招李分虎兼懷同學諸子

慈仁寺裏相逢日
日日題詩□□□
戎馬傷心千里外
別離人老十年中
狂歌事往知難再
尊酒朝來喜暫同
尚憶追陪群彥在
雲飛雨散各西東

寄王益也

啼鳥聲聲急
林花處處新
長愁拚縱酒
將老畏逢春
風雨懷前會
江山隔故人
相思看寄札
三歲字猶真

獨坐悲時節，飛花漸欲疎。
相憐非少壯，那得久離居。
遠夢千山外，浮生百病餘。
江湖春水濶，南向正愁予。

寄丁雁水觀察

青春忽欲暮，愁思滿垂楊。
念我平生懽，遠宦在滄陽。
潯陽江水濶，嶽濟無津梁。
朝持一盃酒，日暮猶盈觴。
俯見淵魚遊，仰觀飛鳥翔。
人生異鹿豕，離合固其常。
思君若蘭石，杳矣保堅芳。

又

起坐一室內，憂來渺無端。
哲人希令尚，夙心良所

翰苑稿卷八

二

懽。一朝建節去，三載憶長安。
贛江不可極，道遠隘波瀾。
朝望林花發，暮望林花殘。
相憶朝復暮，鄙意何由寬。

又

愁人畏落日，寂寂下孤幃。
千里感精誠，夢寐見光儀。
拳然執素手，情歎前相持。
入旣不復言，出又不復辭。
別君踰年歲，積思何由披。
起視參與商，東西各自馳。
人生有離別，此意良足推。

寄丁韜汝

遠望情何極，浮雲竟日陰。
別離人欲老，時序病相侵。

侵山憶茅峰勝江連頓口溪謝家兄弟好春艸正堪吟

春日有懷淡明方伯

苦憶南昌張牧伯題詩欲寄轉凄然烟波地隔三千里故舊情淡十二年世路傷心時聚散春風過眼各山川何緣得挂輕帆忝同醉鱸峰瀑布前

又

柳暗花明春復過風烟遙阻洞庭波亦知別後常相憶欲往從之奈遠何轉餉鄧侯功不細著書司馬病原多天南雁盡無消息回首青山長薜蘿

翰苑稿卷八

三

王翁又千自傷衰老不獲見余願得余詩以

自慰爲賦此詩

乙巳與君別了未再相見自此兩茫然東西隔鄉縣憶昔同巷居素心託後春君時年六十鬢髮尚未變得酒呼共酌看花過別院清談或永夕精神不覺倦卽今踰七十筋力猶強健向來惟好靜近復絕愛戀清齋坐一室交親希見面內經手自抄字畫細如綫京華逢令弟言君頗平善獨有區區情念余日千轉余茲感袍繫風塵疎親串朝見春草芳暮聽流鶯轉思君若瓊樹西望徒凝盼君謬

好我詩千里寄紈扇感君爲君吟揮毫淚如霰人
生會合難歲月驚流電已矣夫何言勉強加餐飯
李渭清招同李諫臣前輩高阮懷袁杜少遊

柳林馬氏山莊

近郭園開徑不斜竹籬茅屋自成家中林客到聞
啼鳥溪院人閒掃落花盃酒偏宜臨水面風塵真
覺負年華可憐四座皆知已一曲高歌興轉賒

又

地僻林深引興狂飛花片片送餘香護隄垂柳千
絲直繞郭青山一帶長臨水有時驚鬢髮當盃未

許說家鄉殷勤好記橫津路乘興還期渡石梁

秘魔巖

層岬薄日月蒼翠無定姿下臨不測淵上有萬年
枝歇馬山門外望古懷盧師龍子化沙門其事頗
經奇愛此林巒勝開山治茅茨君王或臨幸萬乘
揚旌旗鬱葱多氣色猗與彼一時我來日欲暮空
房鳥雀悲潭水旣已涸苔蘚蝕殘碑一二老病僧
挑青供晨炊陵谷勢未變運會倏已移循環有定
理結嘆方在茲

登百尺樓

層樓四望俯群峰十丈丹粉結構重遠嶺風烟連
浩蕩病身登陟失從容鶴歸別岫投孤樹僧放中
食聽午鐘湖海年來豪氣盡幾回高卧愧元龍

寶珠洞

一塵飛不到十載閉禪關
莖樹隨高下幽禽任往還
石堂開晚磬鬼火度荒山
欲問藤蘿外諸天杳
靄間

又

古洞何年鑿僧來試定心
佛幢燈影動石榻坐痕
深徑澁人稀到林幽日
易沉相傳十里外遙聽木

魚音

又

千山啣落日一徑入雲斜
遊客扳藤蔓山僧飯樹

花

山有樹開黃花土人呼爲色花晒乾可食

怪松穿石壁歸鳥過殘霞

正好修行地誰能便捨家

來青軒

憑高遙縱日晚景夏依依
萬壑生嵐翠千峰下夕
暉林開蒼隼入潭響毒
龍歸東向瞻城闕鬱葱
映
紫微

龍湫

碧甃依臺殿波潏極洞冥鶴飛朝避客龍出夜聽
經秋樹遙同響山光欲並青怪來雲氣繞宸翰

在高亭

亭有筆題額 御

晚經翠微山不得上

群山看不盡晚色翠微新樹密聲如雨峰孤望似
人埜田聞雉雉荒塚起青燐昏黑驚徒侶招呼何
太頻

以詩代書寄楊宣樓明府

楚天歸後音問疎干戈滿地傷離居邇來太平開
道路一月兩接當陽書書中苦道別來久歷數姓

翰苑稿卷八

六

字問諸友讀罷低回憶往年日日東園共尊酒深

源興起將長鬢

殷擴

太白醉態真狂奴

李性符

孝先

有腹不解飲

邊四重

時聞高唱聲鳴劉尹風流終

自若塏也蒼頭癖不惡城闕不愁曉角催高天寧

問晨星落此時意氣同歡娛此時懷抱無嗟吁尊

鱸一夕秋風起山河頓隔黃公廬李大頭白殷四

死門掩蓬蒿困邊子眼底無復故時人空對燕山

怨楚水燕山楚水何透迤強從薄宦淹京師日食

大官三升米意興蕭索非昔時我昔送君君髮白

別後十年增間隔不知筋力近如何老脚可能踏

山屐感君意爲君吟望而不見傷余心何由一葉
浮湘沅堆藍山好共登臨

夏日李高陽相國招同彭美門周雅楫兩太
史彭椒崑進士飲宐園

暇日逢休沐名園引興初相招煩折簡趨走到前
除石竹侵階長新荷出水疎林亭幽絕處真欲似
山居

又

地僻宐長夏時清執政閒圍棋邀故客酌酒對青
山水動知魚戲林昏見鳥還移時承善誨心醉此

追攀

翰苑稿卷八

七

又

未識東山勝今看林壑殊疎疎風斜岬柳倒景媚庭
蕪醒酒凭奇石乘涼倚碧梧頽然太冠帶丞相怒
狂奴

寓中與邊宜公話舊

暑天宐露坐舊事與君論年甲還同相

邊與余同庚辰家

居近對門別離驚歲月供給愧盤飧何日歸田舍
相耍抱弱孫

送方渭仁典試川中

高林葉下蚤涼初萬里風煙關使車王事有程懷
往路同人分手悵離居山川再闢蠶叢險人物新
登太史書爲訪當年文似者玄亭日暮一蕭疎

秋日有懷

吳廬先生

向夕涼風起秋聲滿寥廓白露塗長林木葉紛隕
穉蟋蟀鳴荒除蠨蛸挂虛閣時節感人心披衣出
幃幙天宇清且高河漢流寂寞賸懷王夫子大雅
今復作清心得無欲觀理入冥漠道德在一身進
退何綽綽軒冕豈不榮逸情放丘壑別離隔秋風
笑言感今昨嘆息上金臺南向望衡霍我欲往從
之靈池共洗藥漢廣不可方雲山紆回薄幸保青
松姿貞心庶可託

李渭清齋中見佛手柑賦贈

病卧忽經旬秋至未相識晨朝憶李侯步履出巷
北入室見黃柑淑離感胸臆香風滿一劑拳然誰
雕飾賸茲江南珍流賞來京國玉盤貯素體黃金
奉顏色美人日暮來慙慙重拂拭願言託良友作
頌表嘉德一讀再三嘆高言佩典則靈修倘不徒
其君爲羽翼

哭施愚山侍讀

施公見道人入世能持後宦遊何必達素心常自
守窮年惟著書小心日求友才廣理自周言訥行
無苟梁木萎先秋愬遺傷一叟天道信難知高名
當不朽

又

曩君遊宛洛余獨無贈詩感君歸相責私心許後
時談言猶在耳死生路已岐昔別有歸日今別無
見期寧忍三秋夜爲君賦哀辭

又

大雅日淪沒百家逞臆鳴捐彼蘭芷芳保茲蕭艾

翰苑稿卷八

九

榮砥柱中流間斯人實老成朝來聞喪逝泣下沾
長纓已矣吾道衰寧獨酒壚情

懷錢宮聲

秋空吐陰氣西風扇微涼高林葉已下何艸色不
黃愁人尖寧處嘆息上高岡莎雞振雙羽凄切應
清商鴻雁戒晨征肅肅東南翔我欲從之去蒹葭
水一方伊人在中沚攜手願同行吐氣若芳蘭發
言自成章不念別來久惟愁道路長沽酒不能醉
怒焉懷永傷

寄趙且復

孤雲隨飄風吹落東南隅東南信佳麗終憐非故
都夙昔念之子悲歌厭拘儒狂言或驚衆執義終
不渝清時厄壯士奔走辱泥塗荊州滯王粲吳門
困子胥賢傑昔未達往往傷崎嶇一朝得先路勢
與風雲俱蜻蛚通宵鳴白露下庭蕪遇合自有時
蓄德爲令圖無爲抱空愁坐視年運徂

讀王瑁湖悼亾詩

虛庭集秋氣向夕動涼颼寒蟬抱枯樹促織鳴荒
塹高燈照靜壁披君悼亾詩悽惻傷遺挂彷彿痛
屏幃嫁衣色未變玉鏡光已移朱絃中調折蘭葉
先秋萎已憐讀者心深知作者悲迺家忝世好在
日間淑懿天道苟不延何以彰報施感此再三歎
理數信難窺

送尤展成太史旋里

同調京華客漸稀西風又送一人歸忍看秋草臨
岐路且把殘尊對落暉滄海期遙那可定鄉園計
晚未全非到時握手逢錢起

時宮聲
家居

說我相思日

掩扉

代人挽婦

白日照庭砌俯仰情何悲夙昔同衾人音容與我

違入室撫故物淚下不可揮九原浩茫茫陰慘無
朝曦平生未出戶此去悵何之鬼伯橫催促展轉
不少遲白楊覆孤塚入夜陰風吹不見親與戚但
對狐與狸回首望家鄉有路不能歸故衣爲誰著
殘膏爲誰施腹悲窮泉下千秋無盡期

重陽後一日渭清席上送陳子萬宰安平

李子設晏陳君來北隣龐子趨相陪主人瀟灑多
逸興繞屋黃花相暎開可憐秋色盈戶牖尊中剩
有重陽酒老槐葉落秋月明大盃小盃各在手人
生會合由來難好景當前胡不懽陳子風流新作
宰官書有限辭長安博陵故地殊不惡五里山城
七里郭元龍意氣白當年太丘治譜傳家學懷中
長劔初發硎萬仞欲截恒山青官舍有時思故友
攜酒還登廣望亭

送張兵曹權稅北新兼寄晴峰學使

奉使出京國車輿倚道周送君還入越前路况逢
秋樹色風篁嶺濤聲鎮海樓茂先官舍近相對免
鄉愁

送邊善長赴汝寧

涼風西北至鳴雁東南飛正當搖落候同心與我

違昔阻濡水曲今越漳河湄相去日益遠後會誰
能期嚴霜塗廣埜白日忽西馳畏聞鷓鴣鳴驚看
秋草衰君子恥無聞進德當及時寸心旣已合在
遠情豈移寒烟闕千里軒車去何遲豈無一尊酒
遙遙難共持僂勉從所務聊以慰相思

和尹官橋曉月

殘月沈沈浸冷陂平橋柳影共離離行人莫向欄
邊立正是深閨夢斷時

東郊春樹

二月城東春草綠桃紅李白共開花短牆低繞何

人宅疑是杜陵埜老家

翰苑稿卷八

十一

同周雅楫晚過朱錫鬯

禁城秋晚見崔嵬有約相尋並馬來供奉承恩依
大內君王賜第傍瀛臺留歡十夜重移席勸飲
添燈數舉盃徧問同人說閒澗寒林殘月一徘徊

同家錦里兄過孫澹軒國公

有約期過訪連鑣命駕初將軍容揖客肴膳出中
厨菊老花猶吐林寒葉欲疎空憐菟園舊作賦愧
相如

又

淮南原好道負性喜風疎靜隱烏皮几時看鴻寶
書客來留小酌烏下啄閒除夏愛新詩好狂吟日
欲徂

喜顧景園過訪

北風吹雪小寒初門外驚聞駐客車一笑傻呼傷
舍酒十年久絕渡江書烟霜路遠情偏切文字官
閒興有餘僑寓東西知不遠時時相過慰蕭疎

寓中同顧子話舊

長安攜手憶萍踪日過慈仁看古松興到便題僧
院壁狂來數喚酒家傭花間駐馬傷初別雪裏披
裘喜再逢十載燈前談往事交遊冷盡愧疎慵

翰苑稿卷八

七

病中感懷

南陸陽回氣候新梅花弄蕊報先春詩篇漫興仍
多事病臥經旬患有身生死直應隨定命琴書未
審付何人竹籬自擁消殘火雙鬢愁看半似銀

又

南天回首憶親幃鶴髮蕭蕭近古稀新歲將開增
喜懼深恩未報重依違投林鳥下翻殘雪乞米童
歸典敝衣巷鼓衢歌驚節候從來好事說京畿

又

性懶官閒喜自如閉門高枕遂安居衣冠不著休
通客故舊長懷少寄書夕磬因風來遠寺饑禽帶
雪下空除香鑪茗椀從吾好過眼浮雲事事疎

又

殘冬風景苦淒淒日出牆東烏乍啼餅餌入懷權
弱弟米鹽計口累荆妻病身有愧持微祿羸馬何
時問舊谿萬慮倚檐虛悵望寒烟平楚正低迷

又

長安近接鄴州城驛路南還三日程舊病閒愁終
不斷白雲芳艸各懸情養生寶愧嵇康論問卜虛

翰苑稿卷八

十四

傅季主名坐對寒梅憐歲暮經春畏有白髭生

又

身羸病久畏風寒小榻爐存火力殘十載歸期常
有念五更愁緒起無端加食最厭妻孥勸計拙重
嗟忝仕難日晷漸長春漸近陽和虛擬旅愁寬

又

寒裏羊裘苦不勝殘年急景悵飛騰兒童打鼓有
何意啁雀爭枝殊可憎遠路裁書憐故友連朝送
藥感山僧室中日日鄉思滿幾欲抽簪媿未能

又

秋去冬殘行復春無端二豎苦相侵半旬已過絕
朝食一死何難戀老親禦臘衣單憐歲暮供餐味
薄念家貧憂心切切終難解王樂優游恐未真

又

羽騎分屯比舍居年來生計總蕭疎艸萊欲墾無
閒土風雨懷歸有敝廬遲暮新添潘岳鬢平安近
接女嬃書微官羈絆同胞阻莫怪申申獨詈予

馬方寅過訪兼投新句病中失接待用酬元

韻

病餘翻怪此身存窮巷寥寥晝掩門茅舍雪深空

翰苑稿卷八

五

伏枕故人日暮枉停軒離思已結過三歲濁酒寧
辭倒一尊幸喜官閑還共署春來文字正堪論

叢碧山房詩初集卷九

翰苑稿

任丘龐 塏雪崖著

除夕恭懷 祖母李太孺人

顧復周三世慈儀覆一門含飴思往日抱我異諸

孫華髮重添歲加飡屢寄言六年期漸近京官六年許歸

省余已歷四年願乞侍晨昏

十二月十九日 家君初度是日立春

朝來思 老父前月到長安筋力喜仍健征途未

覺難鍾情常念疾慰意強加飡獻壽今年酒迎春

有菜盤

翰苑稿卷九

恭懷 老母王孺人

歲事又將盡旋歸未有期寧知望雲際不是倚閭

時雨雪增多病劬勞負大慈那貪五斗米容易別

庭闈

十一月二十八日 先母邊孺人忌辰感賦

白首還思母 皇恩虛逮身母蒙恩追贈至今悲早

世寧忍憶生辰在日憐兒女終天念苦辛長安從

未識夜夢恐非真

又

最是傷心日悲深氣不蘇音容猶在眼生死久分

送故國松楸遠京華歲月徂儿筵空一奠知到九
泉無

有懷家伯

字聖初
邑庠生

七十吾家伯高風冀缺齊梳頭垂素髮供食只黃
虀眼暗書休把身輕杖懶攜北堂時定省來往縣
城西

有懷家叔兼寄俸米

叔字元錫邑庠
生近患痺症

歲晚傷貧病天寒雨雪時衰年依老母失學任
諸兒愁眼南中盡鄉書北上遲官寒愧猶子減米
慰長饑

懷家姑

翰苑稿卷九

二

阿姑視阿父枝葉出同根結髮歸邢氏移家傍

鹿門

時住龐家營
卽余里也

隣兄還及姪有子近添孫故國

因饑饉焦勞忍具論

又

天性阿姑切持家力獨強遠離年屢改近日髮應
蒼悽愴依先壠艱難事北堂

姑事孀姑
以孝聞

憐余情最

篤寄訊泪千行

懷家姊

伯姊今何處柴門濡水前別離悲老大嬉戲憶童

年男長添新口

二甥皆娶婦生子

家貧賣薄田常愁身未

健日用費周旋

又

高堂昔未背憐女勝諸兒每憶連枝好還增陟屺
悲秋收今歲薄病體向來羸地下應愁思無由慰
解推

懷弟巖

年甲還相近吾衰汝壯夫一官仍落寞十畝足權
娛祇合安孺素還應謝博徒思兄來日下未信倦
長途

翰苑稿卷九

三

弟巖夏前舉子再賦見懷

四十憐吾弟今年始抱兒那應計門戶直喜廣宗
支綉襪諸姑巧含杯大母慈無言想啼笑南向
欲神馳

懷舍弟璽

四弟別何日相思歲暮時家中能孝友衆裏寡言
辭苦學憐渠弱裁書怪我遲比來攷厲疾常恐老
親知

弟璽索余作詩戲贈二律

幼弟十齡外依然童稚嬌偶真還向壁貪戲不分

宵避客關蓬戶隨人上市橋聰明解文字命意喜
能超

又

久離僮仆見行坐手相攜夜卧常同被朝食每對
匙關心時問疾索贈強題詩瞥見出門去丁寧預
作期

懷兩妹

兩妹別來久齊肩憶笑頰憐予羈薄宦仗汝慰
慈親問訊頻傳語懷思定掩巾無金寄叙申應恕
阿兄貧

翰苑稿卷九

四

追憶從弟均

友愛超諸從三年痛失羣淒風回迸泪宿草沒荒
墳少婦能持節弟室柴氏苦守遺孤孤兒解屬文九原相憶
否腸斷倚斜暉

示垌峙兩從弟

叔父衰兼病齊肩汝並長小心供藥餌適體謹衣
裳門有追呼吏家無儋石糧思兄念孤子相好勿
相傷

憶女

京國牽衣別女辛酉來京邸未幾別去於今又幾時汝孤嗟失

母女邊孺人出

吾老倍憐兒一病惟增劇茲生似有涯

平安伴白寫不忍令渠知

又

臘近寒逾苦愁多病轉加關心惟弱息垂死念無家望極忽如見悲深只自嗟聰明翻恨汝癡子傍天涯

示鎬兒

久卧憐吾病焦勞見汝心應時供藥餌不寢聽呻吟性命皇天在年華白髮侵茲生知有託慰藉一何深

翰苑稿卷九

五

示從姪鈿

小子生多難身孤襁褓中千辛依寡母多病感哀翁間業偏能苦長饑且固窮皇天寧負汝努力在成童

大壯

叢碧山房詩初集卷十 翰苑稿

高對未工黃鵠燕琴任丘麗壇雪崖著

解衣穀日同彭美門丘季貞李公凱馮方寅飲涓

銀冰清寓中 蘇空 十有 龍州 風草 空 涓南

九市輪蹄颺細塵病回十日見新春莫辭盃酒酬

良夜且喜餘生對故人世路升沈那可定燈前談

笑轉相親長安信美非吾土不待分攜已愴神

送王性常宰南平

河橋酒盡解輕舟萬里乘風喜順流江浪平時過

浙口嶺雲斷處見鍾州飲水自擬酬明主束帶無

翰苑稿卷十

妨謁督郵山木蒼蒼官舍晚懷人惟有一登樓

又

童稚相依情最親天南萬里念風塵斜陽客去空

燕市半夜龍吟出劍津浪息海門收戰鼓草生戍

壘有耕民爲君酌酒君須醉忍見河橋柳色新

送春日集張雲子齋中得風字

飛花落絮滿晴空九十春歸悵晚風草色空傷南

浦外鶯聲欲斷夕陽中尊前把酒憐將老愁裏題

詩愧未工莫撫清琴操別鶴感時懷土正無窮

和涓清豐臺卽事韻

尋幽憐勝友沽酒起山翁夾岸垂楊綠交畦芍藥
紅詩無金谷罰人有竹林風余亦懷高興良遊竟
莫同

又

未覩豐臺勝聞君醉獨吟看花忘路遠爲客悵年
深蝶戲低繁草樵歌晚出林何時重有約並馬問
荒岑

豐臺歸過柳林庵

看花興不盡歸路問垂楊宿鳥投深樹新荷亂野
塘馬驕行更嬾沙軟醉無妨亦是曾遊處題詩憶

石梁

翰苑稿卷十

二

荅承章弟有贈兼寄汾陽令式淇兄

吾宗自昔多名彥文雅風流更數君春草關情還
入夢清宵沽酒好論文嶺南回首鄉山隔冀北驚
心雁影分此去士元如問訊相思爲說滿河汾

懷李性符內舅

李以門蔭得官不就別業
曰東園栽花蒔藥詩酒自娛

舊有東園約書來怨不歸那堪人共老還與願相
違淫雨愁今夕青山悟昨非移文休便勒吾擬返

柴扉

又

種藥安垂老看花過永朝百年渾旦暮一畝且逍遙
阮籍惟耽酒陶潛畏折腰舊時幽徑在相訪負前
要

送王仲昭歸越中和渭清韻

多病他鄉久愁中美客還棹舟向遠水採藥入名山
澹泊安吾道風塵變旅顏何時歸計就余亦有柴
關

又

聞道還期近重憐別路遙亂蟬喧雜樹孤艇帶歸
潮黃菊畱寒艷山松耐後凋興來呼斗酒談笑狎

漁樵

翰苑稿卷十

三

長安雜興效竹枝體

靈祐宮前騎似麻春燈簇簇鬪繁華
塗紅抹綠渾閒事時樣偏宜出米家

又

白雲觀與禁城連燕九人多曲巷填看盡喬粧
諸道士不知若個是真仙

又

草色如烟柳似絲他鄉寒食不勝悲
兒童競放飛鷺起仔細風高斷綫時

又

四月清和芍藥開，千紅萬紫簇豐臺。相逢俱是看
花客，日暮笙歌夾道回。
一粒丹砂九節蒲，金魚池上酒重沽。天壇道士酬
佳節，親送真人五毒圖。

又

團團赤日射河濱，夾岸人看密似雲。騎象蠻奴衝
浪立，晴天噴落雨紛紛。

又

翰苑稿卷十

四

萬樹涼生露氣清，中元月上九衢明。小兒競把青
荷葉，萬點銀花散火城。

又

九十秋光驚已半，客心向晚羨歸鴉。長安兒女不
愁思，並坐樓頭待月華。

送高阮懷假歸宣城用潘次耕韻

拂衣歸去謝浮名，行李西風驛路清。白髮經秋常
抱病，青山送遠各懸情。村當老樹寒烟上，岸轉孤
帆細浪生。夢路遙遙千里外，江天何處是宣城。

又

舊宅斜臨句水邊
長安乞米過年年
一官羈絆緣何事
十畝荒蕪劇可憐
視草共依東省月
歸裝獨逐下江船
莫言別後相思苦
尊酒當前已惘然

寄耿贊思時抱病家居

已念別離久
重嗟出處難
青山違素志
白髮老微官
小院梧陰薄
孤城水氣寒
夜來還入夢
知子憶長安

又

聞子安高卧
今年不上書
南山秋落豆
小豎晚澆蔬
多病功名薄
長貧世事疎
應知望余處
明月照

前除

翰苑舊卷十

五

寄李克承

木落空堦夕
聞君念素居
一尊花下酒
三歲袖中書
世路交情薄
鄉園晚計疎
愁烟終不斷
悵望意何如

秋日摘涓清句漫成四首

那得相逢不醉回
蕭蕭落葉晚風催
青山歸隱渾無計
白髮朝
天亦可哀
送客休嗤人作郡
得年未必木非材
官曹差喜惟清暇
鞍馬追隨信往來

又

那得相逢不醉回，弟兄幾許在金臺。中宵颺颺窺人過，虛室蠕蠕罨壁來。齊物且看莊叟論，籌時休抱賈生哀。良辰可賞須同賞，遮莫蕭蕭旅髮催。

又

那得相逢不醉回，西風籬落豆花開。斜陽背郭羣峰出，遠水浮天一道來。節序易遷悲晚晚，君恩莫補矢涓埃。是非到底誰能掩，筆削千秋愧史才。

又

那得相逢不醉回，驚寒已有雁聲催。人生只合一杯足，世上誰曾百歲來。書續齊諧聊志怪，機忘海

翰苑稿卷十

六

鳥莫深猜。中秋月色重，陽菊晏賞還。須次第開

訪若之上人

蘭若秋深過客稀，禪關半掩見斜暉。林中鼠黠偷松子，階下僧閒補衲衣。觀法久知身是妄，降心方覺力全微。僑居自喜依鄰近，早晚同叅了義歸。

秋日田家

最是田家樂，西風白露清。編茅補舊屋，帶雨課秋耕。官府完租後，兒童出戶迎。餘錢得餅餌，調笑慰平生。

又

最是田家樂園林葉半黃築垣防暴客鳴杼擬冬
裳新米抄匙白寒瓜落蒂香人情惟炬粒來往見
提筐

又

最是田家樂秋深力作稀山妻炊黍熟野老賣鷄
歸提饅香醪滿連畦晚菜肥邀人同夜話露坐不
關扉

又

最是田家樂柴門落照中豆花繞架白柿葉傍檐
紅犬吠疎籬外人歌古道東兒孫芻牧暇識字就

村翁

又

最是田家樂山明晚翠開西風春碓急落日搗衣
催新婦烹葵熟中男割肉回今年秋社好家釀醪
新醅

又

最是田家樂堆塲滯穗重添薪收落葉割蜜仰山
蜂棗許鄰童拾衣看老媪縫分燈同夜作籬畔急

寒葦

秋日送陸次雲宰江陰

半落不落秋林清欲斷不斷秋蟲鳴久客驚秋不成寐傷心况復聞君行憶昔相識長安道憐君意氣與君好慈仁松下賦新詩筆力直亞陰何倒江陰縣古臨江臯名區作宰憐風騷秋月平鋪申浦白秋雲不動君山高彰義門前別離處瘦馬常騎出官署昨日方別故友歸今朝又送同人去人生聚散何其多河梁攜手同悲歌督亢陂前野草綠荆高市上啼禽過楓葉離離照日暮可憐分手卽長路欲問離情何處深西風颯颯吹江樹

直日過西海子有賦

翰苑稿卷十

八

太液霜澄氣象分離宮卷畫映秋雲烟迷疎柳懸魚網風定寒蘆下雁羣竟日龍舟停曲塢連朝聖主課親軍同人入直歸來晚並馬閒吟對夕

鹽

九日同毛大可李渭清公凱吳志伊龍雷岸
崔雪峰登善果寺閣卽事

京國又逢重九日登高何處興堪乘同人有約來
蕭寺石閣閒憑對老僧黃菊應時開爛熳青山向
晚見峻嶒十年多病風塵客欲証無生愧未能
和渭清有約遊黑龍潭不果

清秋景色擬閒遊有約登臨問遠丘
半夜陰雲迷大陸連朝積雨漲寒湫
遙山無計舒青眼久客關心欲白頭
強把一盃難獨進殘蘆斷雁共生愁

同丘季貞彭美門李渭清公凱馮方寅晚過

崇福寺

落日山門靜沙寒細路平
鳥飛烟樹亂僧語石堂清
法豈有爲得心依無任生
欲求真實義回首愧浮名

贈別彭孝緒進士

彭子南國秀深心惟古懽慙然感故交
投我青瑣

翰苑稿卷十

九

玕豈無一尊酒與子共盤桓
懷情未及展鬱鬱去長安
驅馬下盧溝馬鳴聲悲酸
示生泣抱璞馮唐老一官
致身忝清時出處同艱難
成名託壯歲建豎時猶寬
君其崇令德相期在歲寒

又

問君欲何之言尋宛與洛鄴下古名都
濁漳帶長薄公子在西園
文士爭附託佳人回雪舞
美酒黃金爵詞若春華敷
氣與秋霜落唱和引風騷
煌煌雷製作悠悠千餘年
流風未寂寞君才過應徐
瀟酒存標格諸侯愛敬客
前路誰爲薄南向瞻嵩高

秋色滿寥廓作詩贈古人曠懷感今昨

初冬書懷

孟冬十月交北風漸凜冽池寒欲生骨川原抱嚴
絮殘菊尚餘香寒林自騷屑愁烟起向夕千門各
已閉室冷燭無光敝裘凍欲折靜把一卷書中懷
鬱如結側想元化理蒙養在冬雪天運有推遷人
事將焉說君子念固窮望古懷先哲

寓中懷張錫原孝廉

元冥初司令萬族生嚴肅白日淡餘暉霜風掃勁
木鳥雀禁無聲愁烟闕廣陸張子濟時才遵養託
空谷言詞若不出氣靜神逾穆陰雲亘長空飛雪
洒修竹美人望不來濁酒爲誰漉

丘漢陽詠

有序

甲子冬偶閱漢陽志載太守丘公治郡多奇
余好奇者讀而慕之太守卽同官季貞父也
作詩贈之

丘公性高潔吐氣如秋霜十年列華省一麾守瀟
湘無欲識自遠道直氣逾昌毅然剪妖髡執法絕
詩張片言折鬼獄盼嚮接靈光乃知精誠極可以
衆陰陽浩然念初服長嘯歸其鄉閉關謝人事坐

卧一竹房游心希大道丘壑恣相羊緬焉懷清風
悠悠淮水長

冬日懷李天生檢討

久客悲遙夜寒燈照索居幾時重會面連歲不通
書秦地木霜結京華故舊疎人生容易老髣髴近
何如

寒夜聞柝聲

自憐多病尚浮名雪撲寒窻四壁清倚枕欲眠聞
擊柝鄉心一夜滿層城

冬至日飲雪峰寓中

翰苑稿卷十

十

京華又見陽生日折簡邀賓到寓居白髮漸多愁
歲暮黃花猶在憶秋初家貧何事重沽酒官冷無
妨且讀書爲說同人零落盡燈前相對一蕭疎

題院中古槐兼有感悼

古槐稜稜勁且直託身玉署之左側手摩鐵榦問
歲年白頭老吏記不得龍攫虬拏爭盤回晴天颯
颯生風雷黛色乍分碣石遠蒼烟遙接西山來搖
落深知懷苦辛冰雪凍裂皮膚皴縷縷乘隙競出
入栽培自荷皇天仁朝來騎馬入官舍相對寒梢
思往夏同直諸子愛清陰笑語忘歸坐其下施公

已死高生歸

謂愚山阮懷也

聚散忽同落葉飛時移事往

如夢覺南柯冉冉下斜暉

吳耿贊思二首

客裏傳君死驚心泪濕衣自傷來日少漸覺故人稀
多病思同調黃泉悵獨歸孤魂隔南北夢見亦

疑非

又

嘆逝悲吾友僑居憶共城承家無厚業白首困諸生
永念同心隔翻憐昔別輕傷君非一事忍泪已沾纓

翰苑稿卷一

三

送黎瀟僧假歸

天地水霜滿關山獨客歸舍情辭魏闕白髮戀慈
幃後會誰能定來書莫更稀同人去將盡畱滯寸
心違

雙鵝篇 有序

新河人宋登春以詩隱明嘉隆時少年髮盡白
自號海翁後寓金陵之天鵝池又號鵝池
生死百餘年矣康熙辛酉柘城王培來令新
河讀其詩而慕之題碑表其故里至夜有二
天鵝止碑上居人迫之不動因籠以獻培培

大喜乃就署中鑿池畜之鵝時時鳴舞向培
若感恩狀吾友周岷公親見其事爲余道之
如此

在昔新河有奇士登春其名氏宋氏苦吟未老頭
先白落拓辭家走千里辭家南去江陵城中有鵝
池池水清却愛湖湘歸不得狎鵝自號鵝池生一
身失路悲無與朝看鵝來暮鵝去衡霍峯多烟霧
深青山誰知埋骨處劫火滄桑幾百春忽逢王宰
有心人痛哭憐才求故蹟草玄亭沒空荆榛酌酒
招魂向原隰陰風颯颯筵前入刻石記里表姓名
突有雙鵝碑上立鵝來相依不替離署中還鑿天
鵝池無情有情誰得知君不見玉樓應召人姓李
天上真仙皆才子文章有氣詩有神寧隨時數爲
生死海翁有意逗精靈特遣雙鵝報知己

十二月十四日過李公凱寓見庭菊未殘賦

之

北風吹大寒敝裘敝凜冽李侯靜有餘一室偃愉
悅側見庭前菊含英挺高節去秋豈不遠歲晏多
雨雪晚色尚華滋寒香抱幽潔凌霜有本性自與
羣卉別人倘欲爾知餘芳猶可頤

久望鎬兒不至

代省歸鄉曲深秋望却回卽今殘臘盡不見敝車
來道遠衣裳薄天寒雨雪催憶渠宵轉迫老眼徹
明開

周岷公訪涓清於寓中招余同飲

朔風索索起清晨臘盡春回尚隔旬訪友偏憐衝
大雪趨陪寧惜過比鄰竹爐酒煖敵長夜布被官
貧借故人潦倒尊前君莫笑阿奴狂態本來真

勵近公編修供奉 內庭 上以出入辛苦

賜第後載門內歲暮移居詩以送之

翰苑稿卷十

十四

幾年趨走隔重城歲晚移家荷 聖情水泮御河
知臘盡人歸上苑喜春晴傳柑地近驚先到 賜
酒杯濃按次傾咫尺 金門乘曉入不勞中夜聽
鷄鳴

歲暮雜感

逝水殘年盡閒愁暗裏增無衣憐稚子送米愧山
僧病悟身爲患貧知盜不憎

金人銘益
憎主人

寒風催擊

析妻切人宵興

又

久被浮名役京華歲又徂饑寒諸弟隔生死故人

疎種竹存荒徑攤書有做廬春山歸路好吾擬問
柴車

又

寒盡春將至旋幃念
老親感時增喜懼久別怨
風塵椒酒開家釀桃符映比鄰前途多曲折夜夢
記曾真

又

高燈依靜壁顧影見支離白髮寧相放流年轉見
欺疎慵時共棄慷慨性難移亦解當歸去低回嘆
觸籬

又

翰苑稿卷十

五

寒威隨臘城晴日喜微暄事業虛添歲生涯自掩
門無才從俗忌不去感
君恩猶有屠蘇酒妻孥
共笑言

又

臘盡愁逾迫虛堂坐寂寥林鳥悲晚雪山鬼喜深
宵有酒堪謀醉無心謾解嘲正思乘興出良友恰
相邀

又

四十人將老流年臘又終典衣畱故友打鼓怪兒

叢碧山房詩初集卷十一

翰苑稿

任丘龐堽雪暝著

送王藻儒太史督學浙中

越國人文地持衡託大賢丹書辭北闕翠節映

江天風壤勾吳接山川百粵連淡烟縈細柳曉露

濕香荃中允詩名著青箱世業傳下條寬禮數多

士仰陶甄行色千山外離心落照前詞林添故事

浙省督學例皆部郎用翰林自王公始台席卜高懸木驛郵籤報牙

檣錦纜牽悠悠旌旆遠分手惜芳年

送周屺公赴總漕徐司空幕

翰苑稿卷十一

聞君遠就淮南幕二月春寒似早冬雨雪浴街泥

一尺青山近眼恨千重離歌此際驚長別沽酒何

時得再逢我亦攜家從此去長安回首暮雲封

宣武門西日已曛蕭蕭班馬嘆離羣白頭入幕憐

才子多病移官荷山聖君十口空看歸計拙一尊

重惜故人分京華好記論文處悵望江天隔暮雲

荅金右黃人

荅金右黃人

塏也悲歌慷慨之狂生奇服自好常涇涇困頓泥

塗氣不折拔劍砍地何縱橫獨行往往失翫翫落

拓風塵寡同調結交晚得耿與金

耿謂贊思

莫逆相看

同一笑憶前相逢古易州西風颯颯吹涼秋酒酣

耳熱歌易水狗屠擊筑真吾儔忽有徵書來閭里

麻鞋北上見天子余方乞米困長安君亦辭家

赴交趾去年九月君重來僧寮阻雨空徘徊驚傳

耿子化異物

甲子九月贊思訃至

血泪迸落心悲哀

昨日課文詞

乙丑正月二十四日考翰林詹事各官

保和殿上催

題詩雕蟲壯夫拙篆刻白頭老媪倒綳兒

余詩賦不稱

旨諡原品調用

眼前萬事誰自保生死得失判一時移官

且喜歸鄉曲茅堂無恙春草綠名場回首困風波

翰苑稿卷十一

二

富貴何時奈老何長林豐草吾素願與子相依况

近縣倘能相訪過柴門馬有青芻奴白食

春日偶感

薊門風煖雁初飛芳草無邊帶落暉五載素食慚

盛世三春游子憶慈闈欲成信史終難就擬買

青山願久違適日金門休待漏無妨乞米典朝

衣

又

草色萋萋入望遙御河水解凍全消年光漸逼悲

華髮鄉路空歸嘆折腰風月多情供嘯詠湖山隨

意託漁樵一官漫笑馮唐拙曾得十年立漢朝

春風冉冉弄輕寒雀噪閒庭乍解官仕路無才誰

見忌人生有命自須安行看妻子愁偏劇近識鄉

山去轉難爲感良朋相慰藉漫持杯酒罄清懽

無下送王瑁湖督學圻內

文教先圻輔蒸髦秉大鈞高名承帝簡夙駕及

良辰內史書尤妙公孫賦絕倫兩闈驚戰勝一薦

出風塵棣萼輝相並班聯氣益振求賢過水國輟

講下楓宸丞相家聲舊人師德業純臨朝重拜

命昨日始還闕古驛花爭發長橋柳乍新蒼烟迷

晚樹啼鳥變青春賤子原安拙觀父恰值屯通家

猶第子序譜愧同人列傳常分草直廬每共晨迂

疎殊自厭沈愛獨相親殿最傳中旨虛公仰大臣

無才甘放逐左調荷寬仁失路慚知已離心切轉

輪桑乾流浩蕩恒嶽聳嶙峋此際竟應斷他時夢

豈真車輿看漸遠杳杳隔前津

懷汾陽明府見

家書昨歲至字字見情真有愧分金贈應憐小笈

貧壺關春自隔燕市草偏新心折汾河水茫茫阻

翰苑稿卷十一

三

問津

又

遠上高岡望瞻兄意欲迷何時來冀北前歲去山

西繼世還推鳳長才笑割鷄公餘動詩典應共惠

連題

時采章翁在汾署

春懷

雨後晴光好餘寒晚未收鶯花連 帝里桑梓憶

吾丘水地春堪種河魚賤可求誰能久畱滯坐嘆

復行愁

又

翰苑稿卷十一

四

數家村落僻烟火縣西隅故老知誰在田園念久

蕪量移安薄罰歸計困窮途悄悄心難解長歌清

夜徂

又

春光南向晚久客倍含情離別傷親友艱難隔第

兄編茅添舊屋驅犢課春耕眼看清明近無由問

去程

歸興

已解西清綬云胡尚不歸交情今始見過客近來

稀啼鳥青山路垂楊白板扉望中如萬里渺渺立

斜暉

又

北地人將老南天雁未歸晴坡青草出細雨杏花
飛子職慚多闕君恩幸不違躬耕原素志昨日
解朝衣

又

依舊蓬門在春深擬欲歸十圍垂柳大尺半鯉魚
肥鄰舍同看客兒童競挽衣微官今已罷此樂幸
無違

又

翰苑稿卷十一

五

虞丘咫尺地久客苦思歸城邑還疇昔居人有是
非啼春山鳥變過雨藥苗肥遙憶漢陰叟相從問
息機

又

寒食松楸遠孤墳念子歸烟花三月近拜掃六年
違宦薄妻孥累愁多髮髮稀黃泉愧慈母逆泪
久沾衣

不死篇

有序

諸城劉子羽老而工詩死數日忽生時選得
利津廣文持賻赴任劉與李渭清同邑友善

手書相聞渭清紀以詩余異其事因屬和焉
東海詩人有劉生白頭潦倒吾知名八十老死尋
常事草露一滴秋烟輕人間萬事誠難料炙鷄白
酒客來弔劉生笑起坐床頭手擘靈帷忽一笑衆
客驚定還相權白酒在碗鷄在盤縱飲大嚼謝衆
客來朝走馬重之官何人浪說生死大幽明往返
康莊過河下幾聞反逝波龍老重歸守遺蛻雷田
大史頗好奇史筆紀異裁新詩理數茫茫那可問
老彭殤子同支離劉生自是千秋士歌哭無端徒
爾爾達人原自存大觀今實未生昔未死

天雄使君歌

翰苑稿卷十一
有片

六

使君姓朱名廷煥明懷宗時爲大明兵備道
闖賊奄至攻城城陷巷戰力屈被執罵賊死
煥孫淑琪適任翰林孔目於余有同署之義
出家傳丐余作詩因成短歌

天雄城頭黑雲起天雄城下賊如蟻守埤人稀氣
不揚旌旗無光鼓聲死使君慷慨操長戈賊兵趨
合吹金螺白頭老親義不顧濺血自誓心靡他京
師屏鄣此重地誰秉國鈞筦戎事告急空馳羽書
飛應援未見虬蟄至岩人鹿走城門開男啼女哭

聲悲哀天地黯慘白日瘦劍光一動長城摧身是
王臣守王土男兒一死酬明主君不見嚼齒罵賊
顏常山正氣遙遙並千古

小寒食日懷采章弟

極日汾西路輕陰欲暮天春青綿上草野暗呂梁
烟畏老驚時序離心隔歲年愁來開篋笥常把贈
余篇

寒食日書懷

經春高卧少逢迎出郭乘閒信馬行畏老重驚寒
食過看花偏感旅人情墓門泪濺松楸遠芳草愁
先鷓鴣鳴日暮一尊強自把依違真覺負平生

翰苑稿卷十一

七

又

迂疎多事久風塵帝里重逢禁火辰故園音書
空自阻芳時花鳥莫相親窮途阮籍終狂士作賦
江淹本恨人落日天南頻悵望鄭城烟水漲前津
渭清偶病足走筆戲訊

隔日不相見中懷鬱惆悵聞有子春憂偃床負微
創爲患在有身此語不吾誑巨柳生左肘形忘神
自暢念君好檢束平生希令尚閉戶或經旬跬步
無輕向斯疾竟云何天道信難量君看奔走人雙

足乃無恙

朱竹垞將歸浙中詩以送之

君如海上鴻道遠猶可至我如秋郊蓬飄飄將安
寄徘徊岐路間相憐不得意感君鑿微誠相親如
兄弟靈修終易化高名滋多忌風波起無端中道
忽捐棄竹垞有舊廬千竿登蒼翠歸與覓紫芳黃
髮志已遂應念同門友京華獨領額五年風雨心
分手如夢寐

送內子韓氏還里

幾日春風薄笨車布裙重着入山厨高堂食性諳

曾久不用慇懃問小姑

翰苑稿卷十一

八

將赴天津畱別涓清

告別未有期念別意已迫感君多素心數載共晨
夕疾病每相扶德業亦互策時勢當乖離辛苦嗟
子役津門瀕海地洪濤連潮汐葭菼之所生蛟龍
共窟宅念我平生權事事成疇昔命也如之何嗒
焉傷精魄

天津途中寄別家錫里兄

乘朝秣余馬言欲赴津門津門臨海溼河廣草木
繁浮雲蔽四野白日爲之昏分手從此去何時返

行軒化離感哲兄氣結不能言

又

行行道逾遠悽悽意轉迫潞河左長薄風烟起向
夕側見春令鳥飛鳴聲啾啾我欲從此去惜哉無
羽翮嘆息上高岡瞻望傷行役

又

通州南北道車馬互奔馳擾擾風塵子相見不相
知中野獨徬徨有懷當告誰孤鴻望西北常恐歸
來遲落月倚虛幌耿耿同所思

又

翰苑稿卷十一

九

首夏氣微炎孤櫂乘明發臨睨懷 帝鄉雲日遙
出沒鷗鵝惡先鳴芳草忽已歇長嘯激中流顧影
悲華髮念我同族親誰能不驚骨

又

離別豈在遠時往境亦移前夕一尊酒今日杳難
追鞠躬入西省督捕衙舍在
西長安門外機務紛如絲抱疴雖
已痊神氣猶未夷兄其保素體加飡強自持

宿河西塢

暫泊孤舟倚潞河千家烟火憶經過平蕪鳥下青
山暮故國人歸白髮多失路何須論塞馬無才自

台老漁蓑可堪回首長安遠沽酒燈前欲放歌

晤蔣飛占侍御

城上樓高帶夕暉十年風景尚依稀水門潮落千
帆集灌木烟深一鳥飛薄劣自慙歸計晚迂疎久
與世情違長安回首同人隔嘆息尊前把繡衣

過黃季野寓

老年仍道路泛宅寄津門蝦菜畱過客詩書課小
孫得錢還買畫見月必開尊興至扶藜去看雲向
水源

又

翰苑稿卷十一

十

一別三年久相逢落照殘容憎愁不放老覺病無
端邑宰常供米奚童解藝蘭應憐今夕月把酒對

河干

宿馬天衢寓中有感

燕市人將去淮南客乍歸

馬新從
淮南回

酒酣呼淪茗露

冷勸披衣詎惜終宵坐遙知後會稀傷心憐舊好
十載願重違

宿舊店

漸覺長安遠家山今日歸車輕黃犢健水澗渚禽
肥野膳初炊黍荒村欲掩扉占晴看晚燒去聲樹色

霜餘暉

早經良鄉

城烏迎曙起京縣早開門市小園蔬滿途衝過客

喧山連賈島峪水出廣陽源好是封圻地鷄豚出

斷垣

城垣崩頽殆盡

燕市

古市平沙靜荒村隱薜蘿西人今不見遷客暮經

過禾黍先秋熟菰蒲近水多空懷慷慨意回首一

悲歌

過涿州

翰苑稿卷十一

十一

行行臨范水風急正揚舲接樹鳴蟬合連畦晚稻

青土腴傳督亢人遠問酈亭

酈道元注水經處

久客歸心

迫無眠待曉星

古市晚過雄縣

雄州接鄭鎮風景望中賒樹底鳩呼雨村傍人賣

瓜危城還面水古戍亂飛沙路熟車偏穩乘昏直

到家

入境

喜入任丘境車聲歷歷開纔過扁鵲廟忽覩壽王

臺計拙功名薄愁深髻髮催還同蘇季子金盡却

歸來
谷

抵舍
只

上堂家慶畢灑掃啓前軒邑令還相問交親各到
門乍歸翻似客訊故轉驚竟檢點藏書在仍堪細
討論

省
祖墓

六載違鄉曲歸來省墓門承家思 顯祖不祭愧

慈孫暮雨寒楸色殘碑斷蘚痕音容難再覩脚痛

欲何言

省先
母邊太孺人墓

翰苑稿卷十一

十一

松柏斜陽裏孤墳暗晚烟痛無回白日恨不及黃

泉負米何由得承恩亦枉然劬勞懷 母德遺憾

有終天

宗族

又客疎宗族朝來聚一門兒童渾未識父老喜猶

存列坐依行輩分酬共笑言承家念忠厚同姓古

尤敦

鄰舍

鄰舍忻相見鄉風依舊存槐青原覆井瓜苦亦當

門邀客過茅舍呼兒出酒尊數言城市遠蔬菜愧

盤飧

寄同年諸子

鄭城水長午浮篙白露朝寒裏緼袍虎豹守關情
乍隔鷓鴣得路勢初高

聞彭美門張武承米
紫來李公凱皆遷官

過雨憐幽草多病經秋長二毛欲問近時高卧處

柴門有徑沒蓬蒿

懷朱恢音使君

涼風獵獵早秋初尚憶槐衙愁客車避暑正思河
朔飲烹鮮且食海門魚
朝廷命下重移鎮田舍
人歸懶寄書惆悵比來添足疾相尋空擬坐籃輿

翰苑稿卷十一

三

重過東園呈李性符內舅

步履東園近柴扉向夕開秋花紅暎草古壁翠生
苔樓迴驚新構松高憶舊栽主人含笑出荒徑拂

蒿萊

又

四壁圖書在畱人此故堂驚心鬚髮改憶別歲年
長斷辭侵陰井回流濺石床悠然生遠興咫尺即

濠梁

又

料素亭名好深秋再到時菊高含細蕊松老發橫

枝小子能通客厨人間煮葵當年楊大令晚飭共
題詩

又

十載懷幽勝歸來得重過
高林喧暮雀小沼冷秋
荷白日流年促黃泉故舊多
傷心憶殷史殷攢四史真常

遺恨邈山河

又

到此真忘返斜陽草閣西
花添南國種壁有舊年
題折竹供茶竈通泉灌藥畦
相期新酒熟還飲醉
如泥

翰苑稿卷十一

古

九日學杜戲東李舅索菊

李公素有陶公癖種菊東籬待此辰
門外不聞攜酒客
堦前偏見乞花人

又

十年薄宦乍還家三徑荒蕪柳漫遮
見說東園秋色滿朝來分得數枝花

陵城弔古

按志陵城本漢之阿陵城東漢大將軍任光封阿陵侯即此地其城

垣尚存今縣城西有大塚幾一畝曰任大將軍墓春秋有祭失其名以理斷之必光也古

者呼墓爲丘縣名當本諸此土人不察妄以爲任姓丘名無稽之甚故末章云云

沈沈秋水欲平堤風過寒林鳥亂啼
當日封侯客

何在阿陵城上草萋萋

又

水打週遭雉堞平
村名依舊號陵城
可憐漢主酬
功地蘆葦蕭蕭雁一聲

又

雲臺事往已千秋
衰草黏天憶故侯
唯有漢時明月
在夜來還照廢城頭

又

百雉封疆業已殘
滄桑更變總無端
將軍何事憐

抔土午夜還聞呵宰官

明季邑令李廉仲議取任將軍墓土增城夜夢丈夫

翰苑稿卷十一

五

金甲仗劍怒目而視曰何得壞吾官令懼而止

十月一日祭先母墓

曉日西村路秋光嘆已殘
烟深原樹暗霜老墓門

寒寸草心空結終天報轉難
送衣隨節序

鄉俗是日剪紙

爲衣燒於墓前曰送寒衣回首恨漫漫

叢碧山房詩初集卷十二 翰苑稿

任丘麗 塏雪嵯著

會元夕馮方寅招同彭美門李渭清張毅文寓

中同飲

元夕風光好春燈照酒卮他鄉難此會久坐欲無

辭妙唱調絲管離心感歲時向來同舍客大半去

京師

過朱竹垞寓

之子未歸去春來喜更過流年驚壯在白髮奈愁

何小徑環奇石高簷帶女蘿庭除儘清絕偏只憶

翰苑稿卷十二

山阿

晚過渭清小酌

一別京華隔歲回故人相見且啣盃燈前更讀新

詩好怪爾飛揚跋扈才

送張毅文檢討歸淮上

草色如烟柳似絲河梁攜手悵何之從知世事多

翻覆不分春風有別離他日相思人共老此行忍

說會無期孤帆自斷山陽道長遂休吹動客悲

又

卜載金臺故舊稀君今何意重相違漢庭幸免長

沙瀟澤畔終憐屈子歸筆削有懷書未就風波回首事全非嗟余亦是傷時客一曲陽關淚滿衣

教文歸再賦

微雲疎雨下河干千里鶯花伴客還別友聊斟燕

市酒結廬新買鬱洲山

山在胸山東北海中峯巒奇秀張子別業在焉

腰當路將何補髡髮陽阿好是閒明日便應辭

帝里石生無事馬蹄閒

送陳際賡赴雷州任

風土茲方異孤城枕水隈炎州無鴈過臘月有花開窟洞黎人住帆檣海舶來使君饒意氣揮手下

金臺

翰苑稿卷十二

二

又

遠送臨岐路離心怨馬嘶幾年同聚首今日惜分攜細雨黃茅瘴炎風錦石溪輕舟經過處休聽鷓鴣啼

送毛大可檢討假歸蕭山

潞河南下繞金臺柳幔河橋送客杯丘壑關心君獨往風塵滿眼我重來啼鶯已厭分離苦芳草何時懷抱開倘過山陽莫聽蓬同人零落總堪哀

又

帝里風光此重過故人爭忍唱離歌歸懷無那青山好欲別其如碧草何握手可憐春日暮當盃莫惜醉顏酡孤舟一去三千里回首江干阻薜蘿

送彭孝緒宰河間

銅章初作宰鞍馬下金臺地是東陽國人推作賦才隔筵黃鳥囀細雨杏花開幸接吾廬近離歌莫漫催

又

漢代分王地高城枕水湄草荒鉤弋宅

鉤弋夫人河間人

禽噪小毛祠

城北有毛萇祠

使客爭郵舍居民畝水涯遙

憐行縣日菱芰正參差

翰苑稿卷十二

三

又

計君入境後余亦返柴關蔬菜從人灌蒿萊懶自刪長貧寧斷酒多病恰投閒車騎能相訪論文水

石間

又

附郭依東郡高槐覆縣門魚蝦爭早市桑棗隱前村小吏分曹入山禽竟日喧賢王畱遺澤淳朴至今存

春日歸興

宣武門西日已斜山村處處放桃花流鶯似喜人
歸去一路啼聲送到家

又

鄉山歸去趁花開載酒看花定幾回更擬登高舒
倦眼題詩還上壽王臺

又

疎燈寂寂照單帷冷雨瀟瀟寐轉遲昨日窻中聞
布穀家山忽憶種田時

又

芳草萋萋接鄭州長安回首放春愁山妻不怪歸

來晚一笑殷勤解敝裘

翰苑稿卷十二

四

又

春雨連朝歸思賒東風拂面柳枝斜最憐小第多
幽興遍向窻前種野花

又

踏雪辭家上帝京歸來門巷柳枝橫家人休笑

黃金盡白髮還添三五莖

又

鶯聲恰恰柳依依舊約會訂三月歸小婦閨中應
記憶挑燈連夜製春衣

又

白洋木長沒苔磯銀鮒春鮮帶子肥寄語南鄰諸
釣侶長竿收拾待子歸

白洋
定名

又

魚君陂上浪花浮芳草啣烟覆遠洲多少漁人歌
水調垂楊樹下半停舟

又

桃花半放日初晴水色盈隄柳向城最是家山好
風景可憐客裏過清明

清明後一日喬石林侍讀招同年諸子花下

小集

翰苑稿卷十二

五

滿樹花爭發經時鳥自歌流年悲老至芳草喜春
過酒爲同心賞詩憐送別多故人餘幾在不飲欲
如何

喜友人約遊西山

西山舊是曾遊地三載相思似故人潭柘峯頭雲
乍散石經洞口草還新身閒正好攜雙屐客病偏
能踏軟塵願得追隨騎馬去淡烟高柳記前津

有約遊西山阻雨

聞說看山喜欲狂經宵不寢着衣裳陰雲向曉戎

戎暗急雨隨風瀝瀝長新翠遙憐添遠岫衝泥眞
怯問前岡客愁好放無由放寂寂神傷一草堂

京邸初度前一日有感

春歸夏轉又經旬京國重逢初度辰萬事蹉跎已

華髮一身漂泊愧鄉人長貧未敢輕微祿

時余係補在京

久客惟應念老親濡水波平蒲葦綠可憐無計問

前津

又

紅藥翻堦晚色新宮槐葉長碧初勻誰憐瘦馬衝
塵客會忝西清侍從臣故里田園荒已久天涯僮

僕強相親明朝又是生辰過鏡裏愁看鬢似銀

翰苑稿卷十二

六

家職方兄署中爲余作生日感賦

羈栖粉署已經春潦倒何當記誕辰單服恰宜初
夏日香醪重醉罷官人關情信莫如兄弟薄俗相
輕有賤貧燈地更關重進酒感深翻欲一沾巾

送劉仲素宰靈川

靈川山縣小地隔桂州西人事憑鷄卜鄉風棄鬼
妻問程天共遠念別意都迷相望京華路何時手
重攜

送李愚庵洗馬督學圻內

漢家文物首西京新簡詞臣出鳳城纔向殿中

分講席

李新點日講官

又從輦下領諸生傳經此日須劉

向臥病何人問馬卿翠節遙遙看漸遠斜陽啼鳥

倍關情

又

神京自是人文地持節偏勞鄒魯賢翠節青分官

舍樹宮衣香染

御醴烟驪黃物色思燕市絲管

喧闐悵別筵却憶右安門外路柳塘載酒更何年

癸亥春余與李渭清高阮樓及李同爲柳林之遊

謝客

翰苑稿卷十二

七

窮栖仍陋巷謝客掩柴荆迂拙功名薄周旋禮數
生至今慚少作無取近虛聲日暮聊回駕君當恕
我誠

五日書懷

閒過四月逢端午細縷菖蒲薦酒卮多病喜當儲

藥日

夏小正是日蓄衆藥

不才真負好文時幽居漸喜交游

少將老偏憐節候遲擬築菟裘娛暮景何人肯寄

草堂貴

又

脫却朝衣換綵衣芳華新沐上庭幃君恩擬報

心長在子職堪供願不違懶乞靈符隨節序聊呼
濁酒叩鄰扉 高堂依次稱觴罷翁勸兄酬過夕
暉

夏日書懷

晴日延炎景閒庭閉竹扉病身偏苦暑賢客恕披
衣守拙從吾好高眠與世違忘機憐野鳥相狎正
依依

又

雨餘天氣爽地敞野風過散髮依高樹投竿向夕
波微生遭 聖世失路任狂歌取醉饒尊酒休看

鬢欲皤

翰苑稿卷十二

人

又

小院雜花滿閒居事事幽枯棋消永晝濁酒散深
愁顏駟悲難遇相如已倦遊逍遙遂疎懶於我更
何求

又

露坐憐疎豁移床就竹陰山風吹散暎色下栖
禽人世閒難得年華老易侵茗柯存至理飲啜靜
相尋

又

高卧隣荒圃蟬鳴日已闌大言誰自放直道古尤
難移石通花徑臨風試籜冠江邊有香草欲往畏
波瀾

又

雨後熱猶甚蒸身畏薄絺青山知計晚白髮嘆吾
衰入世慚真懶娛情託小詩秋風茲不遠似欲慰
支離

决隄

傳道黑洋口雲雷入夜低驚風催急雨駭浪决長
堤人哭奔高坂魚遊入斷畦秋禾看俱沒何以慰

烝黎

又

百丈唐堤决洪濤欲拍霄高禾惟見穎平地乍浮
橈狐兔奔無處魚龍氣轉驕淫霖終不斷于室苦
漂搖

蝗子

出土新蝗子行跳已自諳人驅終不去烏飽竟無
貪過隴多於蟻食苗快似蠶何時長雙翼飛徙任
東南

飛蝗

六月初八日飛蝗蔽天聲
聞數里落地禾草俱盡

何處飛蝗起連翩蔽遠空聲兼千仞瀑勢亞九秋
風禾黍經過盡驅除計已窮老農方痛哭里胥叫
門東

苦雨

愁雲連日結伏雨密難開床下鳴蛙入門前野鴛
來不眠防屋漏數起問垣頽還解添幽興盈堦長
綠苔

又

暑雨經旬下涼風憶縵袍爨薪烟俱濕畦菜價偏
高沼溢魚爭逸巢傾鳥乍號衝泥無去處危坐首

空搔

翰苑稿卷十二

十

又

莫解蒼天意民生此重難陰雲終不散積雨幾時
乾屋上生青草階前送急湍還聞禾稼盡愁絕起
長嘆

懷式淇兄時逮問未結

晚得汾陽報愁心起萬端官卑蒙謫易家遠望歸
難濁水千層浪青山九折盤空懷在原意欲往路
漫漫

又

兩載汾陽縣清操衆所知
矢心徒自苦欲罪豈無
辭家遠身兼病時艱髻
有絲西來消息斷悵望
益
夢其

彭孝緒明府過訪

田舍歸來久開門絕送迎
故人官近縣鞍馬問柴
荆石徑逢蒿滿村童應對
生誰當念淪落枉道見
君情

又

養拙依鄉曲同人見面疎
君來當七月初秋色滿吾
廬甕底饒新釀園中足晚
蔬偏憐有公事日暮強

回車

翰苑稿卷十二

七

朝來

莫得汾陽信朝來繫我思
皇天誰可問廉吏古難
爲未解豺狼怒空深鴻雁
悲傷心西向人似見髮
如絲

懷陶孟庵刺史時舍弟璽赴晉州便寄

西風搖落正堪悲滿眼關
山怨別離故國遺封傳
鼓子美人秋水隔蓮池形
容漸老奔馳苦書札經
年問訊遲負笈遠從憐季
弟好依絳帳說相思

弟受

業孟

門

叢碧山房詩初集卷十三 翰苑稿

任丘麗 塏雪崖著

東征

門禁迎晨起 家人送遠行
長貧失寧處 多病怯東征
凄切看見女 丁寧託翁兄
可憐回首處 十里見鄉城

遇舊

一出西清遠 待從秋蓬無
帶任閒身 疎狂漸老終
難改浪跡 相逢轉見親
豈卜公孫終 漢相絕知長
倩重鄉人 公孫弘貧不能赴公車里人鄉長倩解衣冠為贈 居停賴爾能

翰苑稿卷十三

來往談笑還思在比鄰

贈鍾聖輿明經 鍾北直人近籍山東

世業燕山舊 衣冠念汝賢
移家惜湖曲 學種灌陰田
聖主開東觀 諸生得伏虔
客中憐寂寞 情切見周旋

又東聖輿

世路憎余拙 逢迎覺汝賢
他鄉桑梓重 白髮歲時遷
黃菊迎佳節 寒蛩噪晚天
生涯惟爛醉 高卧酒罍邊

贈張中丞南溟

城上高樓俯衆峯巖疆十二舊提封中宵紅日生
滄海半壁青天削岱宗地接神京資鎖鑰人期
黃閣補山龍從知上理惟清靜緩帶斜陽報鼓鐘

又

青齊亦是東郊地人比君陳作尹年海上樓船通
賜履軍中金鼓報開筵村原日落收禾黍斥堠人
閒息燧烟爲說封侯還有待丈夫祇合數張騫

又

依山阻海古名都副相權尊漢大夫王室共推羊
叔子霸功真陋管夷吾喜從鈴閣親雄晷愧說

翰苑稿卷十三

二

朝廷棄腐儒內召待君三日後

唐制宰相初拜第
三日入政事堂升

降百官好期拂拭出泥途

大夫王

贈安靜子

愛此山川好東行亦偶然逢君如故識持贈有新
篇相約二三子窮探七十泉

濟城內外共七十二泉

論文肯

重過呼酒向籬邊

又

遭遇真難料沉淪惜此賢名從東國老詩許萬人
傳豈乏長楊賦終遺孟浩然相將感身事嘆息向

霜天

晚過大明湖

湖上波清潦水收危梁百尺跨湖流菰蒲影靜千
門晚砧杵聲催兩岸秋歌管隨風來遠肆水禽帶
雨下寒洲燕雲直北關山隔一望蒼茫動客愁

望華不注山

峇嶷碧石聳孤稜終古青天一柱承竟日雲烟生
絕頂有時雷雨過中層每當倚檻看無厭幾欲扶
筇病不能應是山靈謝逋客千秋祇許謫仙登

又

郡城東北有高峯極目中天積翠重峭壁孤撐懸

翰苑稿卷十三

三

日月長河雙控鎖蛟龍還聞倒景浮滄海定擬盤
根接岱宗病體漸強行步健終期放眼出塵封

趵突泉

三泉出地凌噴薄乘興貪看坐石橋銀箭曉傳聲
不斷鳴鼉秋老氣偏驕沿溪野鳥爭來往倒影青
山自動搖見說我 皇題碣後

甲子 聖駕幸泉
上題激湍二字

亭前夜夜有龍朝

趵突泉亭上恭瞻 御書有感

聖主鑾輿東幸日翠華曾駐此亭邊忽瞻畫棟懸
題處尚想金門侍直年 龍舸召登西苑內宮衣

賜出御床前只今憔悴臨溪水顧影神傷一黯

然

又

百尺丹亭對水濱亭中忽覩御書新龍顏想像

揮毫日蓬髻稀疏感慨辰兩載班聯違聖主三

秋風雨滯孤臣雲山北隔天關遠極目清波動白

蘋

濟城秋夕

百雉巖城枕水隈繁華彷彿似金臺高樓吹角三
聲壯晚市燒燈萬點開小妓彈絃月初上鄰人扶

醉夜深回柴扉靜掩燕山客不聽秋蛩亦可哀

翰苑稿卷十三

四

百花洲上同聖輿作

步履沿沙徑尋幽過夕暉戲魚衝浪過沙鳥背人
飛世態今時薄他鄉故舊稀知音遇鍾子濠濮興

依

歷下城懷古

春秋晉平公伐齊
戰歷下卽此處

廢壘淒涼濟水邊平蕪十里帶寒烟塌來燕趙悲

歌士重感春秋戰鬪年古道飛沙沉斷鏃夕陽寬

鬼哭荒田可憐伯業今誰在回首千秋一惘然

野望

濟南城高倚秋空七十二泉暗相通山川不改萬
古色人烟猶存大國風寒蘆颯杏藏密雨朱柿點
綴垂深紅燕南狂客狂無賴大叫呼酒過籬東

寓中東劉司業宣人前輩

劉與余同
時被謫

我來訪勝過東岱君亦寒裳出里門人世行藏那
可料他鄉親故正堪論從知直道難今日得遂閒
身亦主恩把酒休談前歲事風波回首尚驚寬
皓湖秋詞和聖輿韻

性癖耽幽類野人欲從湖上卜新鄰青菰紫蓼閒
相對漉酒偏憐有葛巾

又

翰苑稿卷十三

五

山暝烟深一鳥飛誰家稚子候柴扉漁翁繫纜門
前樹提出船頭銀鱖肥

又

霜打枯荷卷半葉風吹隄柳亂長條少年不解悲
秋意月下吹簫坐石橋

又

僦居湖上愛清閒竟日無人門自關忽漫天邊聞
過雁歸心一夜滿燕山寒蘆煙香濕澗雨木落
晚晴并東靜子

有約尋山待舉盃涼秋病客自徘徊天涯知己難
相聚老去登臨更幾回寒雨正愁騎馬滑齋鐘忽
報晚晴開明朝定有新題咏直畏安生敏捷才

七忠祠

相傳靖難操戈日守節捐身有數公古碣猶存侵
斷蘚空堦向晚急寒蟲中宵風雨英靈會隔代春
秋饗祀同遙問祠堂禮遺像松聲蕭颯恨無窮

鮑山

管鮑分
金處

丹嶂凌空繞暮雲分金高義古來聞貧人何處逢
知己泣向秋山禮鮑君

水心亭

翰苑稿卷十三
下亭

愛此湖亭古猶存歷下名菰蘆分夕照絡緯共秋
聲逝水悲人代浮雲悟此生游談當日客抵掌苦

大明湖感興和安靜子

湖亭菊放酒新篘興起呼尊典做裘世路何心仍
浪跡人生得醉卽良謀菰蘆向晚開殘照風雨橫
空送晚秋歸去吾鄉原水國白洋浩蕩沒輕鷗

又

霜老澄湖散晚烟黃茅白葦正蒼然感時氣盡悲

歌裏望遠神傷落照前
籬菊乍憐佳節近盤飧
愧主人賢寒林颯颯西
風急愁聽鷺鴻叫渚田

贈周燕客別駕

吏隱周公子高秋相見時
典衣朝乞米隱几自吟
詩節偏黃花放天寒朱
柿垂由來安淡泊清畏
郡

人知

又

題輿名絕重獨冷似寒
氈大雅從家學清操出
少年計餐分祿米好客
賣鄉田鼎餽叨兼味吾
慚仲叔賢

翰苑稿卷十三

七

又

衙靜槐陰直秋深岱色
高彈琴掃松逕薦酒擘
霜整詩抄過工部官閒
似馬曹飛揚饒意氣時
看呂虔刀

人賦又

佐郡三過歲蕭然七尺
身嗜魚同魯相投轄有
陳遵名豈官場著家因
文字貧風塵念遷客愛
敬出

情真

又

重陽前一日登峭山湖
亭卽子美暫如臨邑

李員外處

客中遇節偏高興况有黃花映水開異地山川饒
在眼餘生天地幾登臺湖聲東注滄溟下秋色高
連秦岱來亭上題詩憶詞伯低回重感少陵才

九日鍾聖輿攜酒招同安靜子于佛山登高
郭外山高倚碧空良辰登眺幾人同寒原日落湖
光白絕壑霜多柿葉紅秋色可憐黃菊裏世情且
付酒盃中天涯我亦思歸客休聽寒蛩噪晚風

又

深秋晴色似初春置酒高崖感令辰籬下花開霜
後菊天涯吾老眼中人山僧送茗勞清供古殿懸
燈識淨因擬欲結廬依惠遠浮名久矣厭風塵

翰苑稿卷十三

八

又

對酒看山興自豪歷城南畔萬峯高寒嵯烟歛出
孤樹湖水霜清落晚濤浮世還消幾兩屐埋身須
傍一人陶菜莢漫把同君醉明日誰憐馬足勞

畱別鍾子

千嵯霜老晚烟濃入客將歸恨轉重旅舍題詩頻
唱和青山載酒數追從臨岐忍說今朝別後會寧
知何處逢回首不堪重悵望濟城十里暮雲封

畱別安靜子時安亦將東歸

匹馬蕭蕭晚渡河，追隨風雨憶經過。流年老厭別離苦，世路心傷感慨多。漢室久知疎賈董，故人從此隔羊何。穆陵東去關山遠，極目雲山繞薜蘿。

晚次馬砦

濟北秋深行客少，林深徑仄暗驚魂。將殘日脚荒荒下，不盡蟲聲細細喧。幽谷風回搖白草，野狐人立出黃昏。忽瞻燈火前村近，爲語山翁莫掩門。

過景州

廣川南北道來徃，嘆相仍日冷舍利塔。烟荒蝦蟆陵，衝塵悲老馬。掠野迅蒼鷹，正欲投人處。疎林見

遠燈

翰苑稿卷十三

九

晚歸郵舍

距城三十里，天色已黃昏。自知鄉路熟，策馬向荒

原

犬吠知近村，歸來夜昏黑。族老起開門，驚喜動顏

色

叢碧山房詩初集卷十四 翰苑稿

任丘龐 塏雪岬著

菊下獨酌

遠客行復歸入門喜秋霽寒蟲伏草根落葉下庭

砌萬卉各已凋黃菊時為帝

淮南子是時為帝者也言當其時故貴

老幹挺扶疎花葉自相綴經霜色逾妍寒香襲衣

袂愉悅偃東籬濁酒時自賞誰能共歲寒為君結

幽契

寄陳藹公

陳子今安穩斜陽悵望間濤聲寒易水秋色滿狼

翰苑稿卷十四

山念別經年歲封書斷在還客顏如舊否吾已髡

毛斑

又

聞汝安高卧秋光遍一園吟詩過白日避俗掩蓬

門岸幘疎籬下啣孟老樹根相從憐未得心結欲

何言

偶成四首

七字雷田推老手自彈古調寫天真壽光安子非

知已強為于鱗認後身

李雷田名澄中山東諸城人工詩古文常夢人持文

遺之曰此君舊作也李為易數字醒猶記其半因筆說之後讀于鱗集乃其遊太華山記中語也安

靜子曾見于麟遺像云酷肖雷山

又

八家文體原高調競唱同聲詫異聲却笑蕭山毛大可苦將心力學西京

毛大可名奇齡浙之蕭山人文章有奇氣深得司馬

子長之妙

又

文章六代歌詞宋調態風流誰得兼短曲長吟一

千首至今此事屬陳髯

陳其年字維崧江南宜興人丰神俊逸多髯同人呼

為髯兄詞曲千首膾炙人口而四六尤妙勝於宋人

又

翰苑稿卷十四

二

施公詩律耐長吟高子推敲太苦心藏向名山休

浪出有時人起問唐音

施愚山名閻章高阮懷名詠俱宣城人工詩時競尚

宋元二公獨守唐人正法

補官日入朝謝恩恭紀

此生已分泥途老 聖主恩深荷再收戀 闕還

依門下省隨班真忝鳳池頭朱旗影動交 天仗

寶鼎烟濃護 冕旒拜下千秋原定禮微臣持此

詎云酬 異氣微矣

初入中書舍有作

六年侍從西清地調補新歸右掖垣幸免梁鴻終

